

夢

林

玄

解

夢林玄解卷之十五

夢占

棟宇部

殿宮

臺閣

宦署

第宅

倉庫

〇〇〇殿宮

殿陞宮闕 大吉

占

凡此兆主恩榮之事。惟帝王之夢殿陞。當以他物論。何也。身居九重。非臣民比也。若夫后妃王子。官人內相。則又以夢中所見者推之矣。〇卿相官吏夢之。主欽命召賜陞加。文人武士夢之。主顯爵厚祿。進取平民老幼夢之。主將來榮華富貴。婦人女子夢之。主丈夫子婦高明。親族孫支茂盛。疾病患難夢之。主禍去福臨。壽永僧道尼姑夢之。主天神佛力扶持。

待制王素嘗夢至玉京黃闕。有紺服翠冠者曰。吾東門侍郎公。則西門侍郎。昔已奏贖汗責于世。及

晚歲思玉京之夢作詩曰碧虛中藏白玉京飛入黃金城何時再步娉霞外時齒青童已掃庭

登臨大殿靖頭大吉

占

夢之主高爵厚祿坐立拜跪皆爲美兆有所得所失又宜以其物詳之有吉非凶

蔡茂初在廣漢夢生大殿極上有三穗禾茂取之得其中穗復失之以問主簿郭賀賀離席慶曰大殿者宮府之形象也極而有禾人臣之上祿也取中穗是中台之位也失字禾字爲秩陸曰失之乃所以得祿秩也亥職有闕君其補之旬月而茂徵代戴涉爲司徒焉乃辟賀爲掾

殿前朝拜奏對貞吉

占

此爲臣之禮儀夢之者將來之實驗宜詳殿廷是何名何地朝奏是何人何職吉凶可推靈機難執

崔宗之幼夢朝天立金殿下旦以問其師師曰此子他日必擢高第後爲侍御史及朝對宛如幼時

夢中所見云

太極殿

兩儀之初

齊世祖初在襄陽夢着袵展行太極殿階陛之上
庾溫曰展者迴應木也袵字四十二點年過此卽
帝位

凡夢殿廷但見華麗不見殿名者
有吉無凶若見殿名宜細詳之

仁壽殿昆明殿未齋殿

昆明池

顧鼎臣夢入朝賜坐爲未齋殿學士覺而占之因
號未齋及拜相考諸秘書有名未齋殿者○夢仁
壽殿者主一人得兩人之壽○凡
夢昆明謹身等殿皆大吉之徵

湛露殿

凶

右補闕傳游藝職加同平章事夢登湛露
殿以語所親頃有告其謀反下獄自殺

白虎殿

占夢之不祥。倘遇國喪。當以夢中他事推詳。

玉華殿

莆田方朝散病劇。夢至玉華殿。帝召見於白玉樓。試文一首。帝命拜爲玉華侍郎。曰。有過謫墮。不久當召。覺而病蘇。

營造殿廷大吉

占天子夢之主中興大治。爲臣夢之主建立功勳。平民夢之天下太平之兆。應選者夢之必高捷。應作工部官。工匠夢之。主有貴人招之。大作得利。

正殿傾凶

革除年方孝孺夢早朝正殿傾倒。驚覺。次日果驗。

殿移動

夫差驗之矣。○世人夢之。亦非吉兆。

水晶宮 吉

越孟頫未遇時嘗夢入禁宮。四顧皆海子。屋上不用瓦。覆以水晶。身坐戾中。月光如畫。後入相。名重天下。自稱水晶宮道人。

右諸宮殿別名。皆昔人夢中見之。或當時所未有。而後果驗者。或古之名。當以字推者。以此爲例。不能盡述。

禁宮內殿永巷長門

凡夢出入居處其中者。文人舉子主科甲高選。功各遠達。內宮宮人侯伯夢此。皆直叶。病者夢之。是地府之象。吉凶未可知。必以耳目所及推焉。○凡夢傾塌閉塞者俱不吉。

金闕兩觀午門左右掖門東西安長門後宰門

占 凡夢觀遊出入其間者。舉士前程。貴顯。商賈滿客。有事人皇都。病患夢此者無妨。○夢毀閉者不吉。

遙望皇都宮殿 吉

占 諸事皆吉。在京官宦。像隸夢之。主差遠方。在外郡者夢之。或至留都。或近京邑。或京信至。老病夢之。而宮殿之名。非人間所有者。則仙居近耳。

宮牆

貞吉 否凶

占 夢入宮牆者。平人遇貴。文人遊泮。女人入選之光。必以夢中所見聞推詳。有凶有吉。禍福自明矣。嘗有貧士在京邸。夢入宮牆。越旦求貨于冷筆。冷筆。書鵲宮牆。引其士扣門。門開。入庫盜金出。後露。抽。隱入瓶而逝。

宮中光燭天 大吉

占 夢此主聖君賢相威嚴勤。勵亂世夢之。天下將治矣。

御座有禽蟲

占 惟夢飛龍鳳凰靈龜三足能燕腫者爲吉兆。夢馬走于御前者高爵重位。拜將封侯大吉。若夢鱉龜魚鰲牛馬犬羊。

皆主國亂民亡。

太醫令朱耽嘗直禁省夜夢犬羊各一在御座。而惡之告人曰犬羊者非佳物也。今據御座將有變乎。既而天子蒙塵侯景登正殿焉。

王殿

上人吉

占 凡夢入王殿中或吉或凶。當以國號推占其殿廷高廣儀象都麗是爲佳祥。若低陋黯黑則地府之象也。夢秦晉楚齊者主婚姻嘉事。夢燕趙晉梁者主宴飲肴饌。夢吳越韓魏者主名譽是非。但知王號而不聞國名者主科第進取。又當以物色言語細推之。

葉祖洽赴省試夢惠應王指殿下竹一束示之前此條封惟以賦及祖洽入試始用策蓋作一束策

字也。其年。葉遂得大魁。

禁中教弩場 吉

占 文學之士。夢主聰明頓長。得人薦拔。武藝之輩。夢主演習異術。得名授爵。商賈庶民。夢主交易得宜。

日 受皇澤惠。病患衰老。夢主良藥去病。天時快爽。諸事皆主獲吉。

○○○臺閣

登臺遠眺 大吉

占 高居萬人之上。明觀千里之遙。開闢遠于胸中。會風雲于目下。燕此主慶喜之兆。

日 阮宣年四十。未有室。性嗜飲。醉卧酒肆几間。夢入帝都。立于層臺。一見服者立于臺側。玉墩上相拱。而覺以告肆主。解曰。臺者高處。有吉事至。時王教會友。飲錢為配偶。斯兆驗之矣。

九層臺

占 臺省職高之象。夢登上者吉。夢下之者凶。仕宦之客。宜靖共兩位。以保其身。

靈臺吉

占 靈臺。文王之臺名也。夢此者。得遇仁君之兆。又主得良友相助之益。

瑤臺

占 西王母宴會周王于瑤臺。瑤臺者。王母之所居。有夢之者。遇齡人瑞之徵。

白臺凶

北魏樂平王不。夢登白臺之上。四望無所見。日者董道秀筮之以爲大吉。王默而有喜色。後事發。王遂憂死。道秀棄市。高允著筮論。以爲當時道秀若推六爻以對。當曰。易稱亢龍有悔。窮高曰亢。高而無民也。如是則上寧下保。福祿方至。豈有禍哉。今舍本而從末。繫之至。不亦宜乎。

烏臺

占 夢登鳥臺之上。主職居御史。夢立鳥臺之下。當得御史相親。

登臺過龍蛇 貞吉

董道諡父宗本仕漢爲隨州刺史。宋主微時往依焉。道諡馮籍父。善爲之。一日謂宋主曰。每見城上有紫雲如蓋。夢登高臺。遇黑蛇長百丈有餘。候化龍飛騰東北去。雷電隨之。是何祥也。宋主皆不對。他日論兵。道諡理屈拂衣起。宋主乃辭宗本去。及卽位。道諡被召伏地請死。宋主諭之曰。卿尚記曩日紫雲黑蛇之事乎。道諡再拜呼萬歲。

臺榭樓閣

釋宮重樓十二級。幽關挾之高巍巖。幽關者心胞絡也。十二重樓者。胃管咽喉之間也。心爲國主。百體從令。凡夢樓榭。主胸中精氣。氣旺精足。則夢樓榭高閣。琉璃梁欄。情舒志暢。則夢大殿。晚軒。雲樓。納陛。皓月光如永晝。卿雲清曠。來薰風。若夫夢中樓臺傾陷。毀壞蔽塞者。其病患不一。又非夢游也。

府比也

萬歲樓 吉

占 貴者見之爲事幾賤者見之爲生意

曰

少者見之爲貴兆老耆見之爲壽徵

李錡初與韓阜不協及鎮浙右夢萬歲樓上掛水
因自解曰水者寒也樓高處也豈韓阜來代我乎
未幾阜果自
鄂州移治浙

迷樓 凶

占

隋煬帝離宮滿天下建重樓九曲稱曰迷樓嘗有
夢之者爲奸邪所陷迷者迷而不悟也樓者樓面
不解也隋者隋而墮墜也離宮
者別離其居室也此大凶兆

岳陽樓

敖德明夢坐江樓遙望江潮湧起引手登舟至一
城墻下步升高臺金甲人曰此岳陽樓也予萬歲

夢占

夢占

八

夢占

十。前後八十八。時鄰里患疫。德明疑兆不祥。問醫士郭咸寧。咸寧曰。爾將來作富翁矣。既而商人為某聞之。招為伴侶。三十年積粟十餘萬。

登樓賜席

柳選幼而爽邁。勤合規矩。其世父慶遠特異之。謂曰。昔事伯父大尉公。嘗謂我云。昨夜夢汝登一樓。樓甚峻麗。吾以坐席與汝。汝後名宦必達。恨吾不及見耳。我向聊復畫寢。亦夢昔時峻樓坐席。爾爾之官位當復及我。特宜勉勵以應嘉祥。後選官至開府儀同三司。霍州刺史。

亭軒

夢亭主安寧停住。○夢軒主開暢軒昂。○夢亭主高榮。唐陸繁華。風和景明。主富貴永康之象。○夢梁柱欹斜。瓦石毀陷。為不祥兆。○夢有對景扁牌。所係非輕。宜細察而占之。宋吳近夢至一亭。扁曰侍康。未幾生女。年十四。高宗為康王。選入宮。乃徵侍康之兆。後進位皇后。

書棟雕梁朱欄玉陛吉

占曰

易曰棟隆之吉不撓乎下也凡夢寢宇或身居屋內而但觀戶外之烟霞不知棟柱爲何物或身游宇外而詳察毫末之細微兼玩簷櫺屏几若山簷藻枕書棟雕梁深甘朱欄升階拜陛乃皇宮之營繕真夢寐之美徵詩尊祿盛壽永體寧因其象而推之方悉至夢棟折梁傾欄損陛陷肯失所覆見憑依震歷作墜之機

金柱擎天大吉

蕭皇后夢金柱擎天諸子欲上不能后後至僕從皆墜久之入宮

倚欄杆

貞吉否凶

蓮花柱

占夢此主憂虞疑慮。別離困厄之象。雖非大凶。亦不爲祥。女子夢之。或以風光花月占之。而吉者。宋丁氏夫人夢倚欄。詞曰。漏靜更闌。雲光雲水。殘周折迴旋。十二灣。軟斜依倚。新愁散。舊愁愈。初聲形懶。夢裏相思會。見難覺。覺來時。淚沾鬢。髮班矣。

登階陞吉

北齊楊休之夢見一柱如蓮花形。休之登柱。以手捉柱曰。柱轉三匝。吾至三公。柱遂轉三匝。後果驗矣。

素檜奉使入金。舟中夢朝行在。帝命錫陞階納陞。後果入相。

〇〇〇官署

太學吉

占

志入大學而勤賢良方正之舉。聘爲學官。而
相卦公之由。奈何有夢居國監。而添應國監者。
或曰。監字與監字同形而殊音也。雖然。人欲希
死。其福何如。凡此夢者。生而生希已。休祥莫大焉。
紹興初。有夢經德齋生爲省元者。時太學諸齋。無
經德之名。至二十七年。祭酒司給請增三齋。曰。經
情經德。立禮。至乾道間。何濬從經德
齋冠南宮。此夢兆于三十年之前云。

庠序學塾

占

夢居庠序。主斯文之得與。夢任學官。主育賢之太
德。凡夢居處遊行。及執經受業其中者。吉。如既成
其地。而夢出此者。有凶無吉。或未處其地。而
夢入此者。有吉無凶。夏楚索微。皆爲吉兆。
翌景淳。夢授教職入衙。朱門高爽。北向。諸同寅皆
錦衣孔雀香帶。冠語其妻。妻曰。今科必中。當入翰
林。果爲
會元。

紫府玉堂

吉

占 文士夢身居紫府主登相位夢身居玉
堂主人翰林平人不應子弟當爲妄占

憲府官廨

占 凡夢居處出入觀見此地者宜以語言之意事物
之象喜怒哀樂之分卽其身而細推之吉者多凶
少者

孟蜀進士蘇協宿聖寺夢入官廨屏上大書
字廳後復見秘器甚高大既寤心惡之占夢周
昭曰百靈也蓋愁者不樂也不樂卽不落之意秘
器爲棺而高大子孫當有至大官者是年協果登
第及歸宋其子易簡以狀元
及第後參大政符所夢云
何繼太平與國中任秘書丞度支制官王化基任
著作郎開封推官繼一日在省夢入官府如中書
制勅院官吏憧憧出入皆若有所除授其中喜者
沮者相半皆形于色繼見衆人紛紛亦前詢問到
一房見朱衣吏執案而坐簿書堆積如堂候官之
狀繼因前揖之問曰衆人皆除改某與數否朱衣

若有所問視徐曰亦有但侯王化基革制嗣因
而夢覺遂言于化基未幾化基果超擢知制誥
數月遷授虞部員外郎出知刑州官詰果化基之詞

軍營吉

占 文人夢此得武備武士夢此逢演習家族不睦者
夢此有爭訟而無災爭鬭詞訟者夢此得便利而
日 禍福病中夢此乃藥方主心腎却病
道路夢此乃次日所見聞者驗之

牌坊牌樓轅門塞門鉗門院門

占 平民下人夢見主鄰里親族高拔恩榮之象或身
犯官司詞訟者夢之翰墨之家文章之輩驗于其
日 身不驗于其身必驗于其子孫喪年
病體夢此者又為天宮冥府之占
魏仍將赴選祈夢夢見侍郎李彭年使人喚仍於

鉗門中側耳聽之明日解者云門中側耳是聞官
已而果得聞喜

黃公度初發鄉舉入試南宮既出院夢題院門曰
依舊家山萬里重新塲屋三年是年以誤用韻時
罷欠科赴省
試乃及第

○○○第宅

起建大厦 大吉

占曰

夫人以天地爲棟宇屋舍爲禪衣或以天地爲體
膚屋舍爲臟腑夜夢堂高屋廣主去病改過夢遷
舍徙居主業更易不論貧賤富貴凡夢建造大
屋者主功成名就興隆昌泰也○畫棟朱門光燦
爛庭除花木映芳菲夢中見此恩榮第覺後徵祥
百事宜○凡夢平日所居謂之安宅自高貴以至
下賤人其理同也若夢帝
居民舍又當另以名論
韋安道夢家造大屋如王宮廣高華麗寤笑曰吾
家何得建此高厦後則天后詔訪之召見便殿
錢五百萬貫授爵使爲魏
王府長史命建第于洛陽

高堂大匾 吉

占 凡夢此以匾上取書何字占之其貪居陋室者夢此必得高爵厚祿或驗于子孫

楊祿女幼夢堂有大匾寫一奇字驚寤言于父至年二十一時嘉熙戊戌有趙時奇登第方二中以名應夢兆遂許之

堂內日月光 大吉

占 夢身坐立高堂必得恩榮之驗况日月之光直入戶內其吉倍之雲掩陽光則非吉兆

北魏孝文帝后幼年夢在堂內立而日光自胸中照之灼灼而熱后東西避之光猶斜照不已如是數夕怪之以白其父父以問閭宗宗曰此奇徵也昔有夢月入懷猶生天子况日照之徵此女將被帝命誕育人君之象也後入掖庭生宣武追謚文昭

大厦被狂風搖動

占 案家夢此大凶。若非疾病。必有仇讐。貪竊者夢之。驗在他家。病中夢之。病劇。遊行道路夢之。恐有風波險阻。不然。則驗在家中。

堂傾陷 大凶

占 凡夢此。主病患危迫。富貴者夢主家敗。身災。女夢主夫主難。僕夢主家主危。

外人正坐堂中

占 夢人坐于其所處。有如其堂中主者。他日彼將處此。非吉兆也。宜豫防之。

王恭舉兵赴京師。上表以討王愉。司馬尚之兄。為辭。夜夢劉牢之登坐其堂上。旦謂牢之曰。事起。即以前為北府。因遣牢之率帳下督顏延之。先據竹里。元顯使人說牢之。牢之斬顏延之。攻恭。恭敗。朝廷。即以前位號處牢之。果如恭所夢云。

書室

占

夢入學第。主博聞廣見。○夢脩書館。主學業有成。夢會師友講論。出入于書房中。主得進取。○夢學堂高大。堆積古書文翰。主博學身榮于貴。○夢屋高廣。前後東西相聯。諸友論文講義。主名譽高揚。德業大就。若閉塞暗昧。破損坳斜。危坐不安。出入不順。主有悔吝。

幽居別館

貞吉
否凶

占

夢懽笑于幽居。日下炎聲振地。夢涕泣于別館。目前樂意憑天。隱遯丘陵。別有天。從心避亂。快達仙島。虛無地。滿世藏身。龍樓鳳閣。天山似吉。反爲凶兆。虎穴窮巢。地府占內。或變吉徵。但占有已無已。更詳欺人爲人。明知夢想。變禍爲福。妖惑人時。福至反凶。

郭瑤與執煙索。蝦起兵運粟。以應王穆。後穆聽講。將害索。瑤諫不從。出城大哭。舉手謝城曰。吾不復見汝矣。遂與疾而歸。旦夕祈死。夜夢乘龍至屋而止。宿而數日。龍飛在天。今止于屋。屋之爲字。尸下至也。龍飛至尸。吾共死乎。古之君子。不卒于內寢。於是還酒泉南山。赤崖閣。飲氣而死。

鄭顥登進士第授右拾遺內供奉尚宣宗女萬壽公主拜駙馬都尉歷刑部吏部侍郎當大中時恩澤無對嘗于壽昌節赴麟德殿上壽退憩于長興里第昏然盡寢夢與十數人納涼于別館館宇蕭灑相與聯句既寤不全記諸聯唯省十字云石門霧露白玉殿蕤若青乃書之于楹私怪語不祥不敢言于人不敢數日宣宗不豫廢朝會及宮車上仙方悟其事追惟願遇續石門之句爲十韻云間歲流虹節歸軒出紫局奔波陶畏景蕭灑夢殊庭境象非曾到崇巖昔未經日車鳥欲翼風動鷗飄翎異死人爭集涼臺筆不停石門霧露白玉殿蕤若青若匪災先兆何當思入冥御爐虛仗馬華蓋負云亭白石成千古金縢闕九齡小臣哀絕筆湖上泣青萍未幾顥亦卒

廊廡軒庫

占
夢家中起建脩葺主與隆發達之象○夢閑居獨立安坐緩步主身康壽永之占○夢人丁衆多行坐兩旁主富貴○夢外人擾撓歎呼戲耍主好事至○夢衆人哭笑歌舞于屋下而身在堂房願觀

主凶事不寧。○夢身出戶外而諸人觀望于此。主大事不祥。○夢廢毀殘壞者大凶。

廂廊左右不相對 凶

占 夢左廂高右廂低男強女弱。○夢右廂新左廂毀主男喪亡。○夢閉塞不通主作事不利。

高軒大庫 吉

占 凡夢此者諸事皆吉而文墨之士夢主恩榮高貴舒暢軒昂。

何賈夢建一堂樹一大庫于堂東時生子致雍後爲節度判此殿王楚以致雍爲僕射。

閨閫繁華 大吉

占 富貴者夢之孫枝茂盛貧賤者夢之日後大發。婦人女子夢之主身心康吉衰老者夢之體健長。

日 夢室內空虛反此。

貴人入閣

范祖禹之夢。夢一金甲大將。步入香閣曰。我故漢將軍鄧禹。遂生祖禹。爲宋名臣。

陽光滿室 吉

哲法師母曹氏。嘗夢日光滿室。因有娠。是生阿。則天臨朝。屢徵不起。開元間。示化于聚福寺。

龍堂過路

貞吉 否凶

占 家門前後。以此爲僕婢出入之所。猶人身之脉絡。呼吸。自自由。經曰。呼吸。廬外。此之謂也。夢此廣闊。通暢。淨光明。主大吉。夢此暗毀閉污。主病。夢外人喧鬧。神鬼出入。必大凶。

門牕戶牖櫺闔

夢大開明照。主吉祥。毀壞暗閉。主災禍。凡影花光。喜事至。輕風灑雪。主得財物。夢門戶中有人有物。宜以字樣詳之。吉凶可見。夢窓牖中。見人見物。宜以時事推之。休咎而占。

芝產門櫺 吉

王待制神大父爲石峽書院山長一夕夢五色芝
產門楣翌日主簿識者以爲文章之兆公幼秀爽
敏慧國初以聘起累官翰林待制
有文名奉使諭雲南死節謚忠文

閭閻鄰里

占

此夢主歲時之接靜居止之安危或于其中遇某
人作某事又宜隨人隨事以爲推或于夢中見某
地名問某地名人言某地名各以其

地名推之或直叶或借境吉凶無定
王德亨階州人其鄰家有販賣水銀者德亨夢鄰
屈頰壻驚坐其屋脊上有日光從雲影中出覺以
問無明禪師禪師曰昨夜水客爲西戎所殺此夢
驗矣君高坐日光下必得大貴踰年赴京考選授
廉州巡檢
時洪武初

四顧無人舍凶

占

夢此者主疾病死亡文人夢之主科名
獨占乎人恐淫警省亦能轉移禍福也

占

占

占

占

居易安李鼎之妻善書能文嘗夢立于闕外四顧無人謂而歎曰世亂將作如之何果驗

高墻堅壁 貞吉

占 夢入高墻將有囹圄耻辱夢棲堅壁須防賊寇奸
日 妖惟亂世夢之大吉。墻壁壘平安者破敗。困
苦者 甦脫

墻後開小門

戚里韋堅常作是夢其妻與鄰友相淡而堅不知也一夕堅夢倪卧小門未幾飲鴆暴卒

屋壞 凶

越王倫將廢賈后張華方晝寢夢見屋壞覺而惡之是夜難作華遂被害

店門高聳品物充盈 大吉

此夢主年豐家富世治物阜壽永嗣賢大吉兆也君相夢之民安樂四民得之財利昌文學得之舉

日名揚。衰病得之身康。健。遠行得之寓邸良。

會飲肆中吉

徐陽侯問師李。曰。我夜夢四友會燕于肆中大酌。其兆何如。李曰。汝嘗入肆會飲否。陽侯曰。弟子好潔。豈有此事。李曰。汝當獲財。曰。何也。李曰。不畏四知而斟酌之。非明而何。徐曰。某平生不喜飲。酒且夢酒。驗疾。先生謂吉者何。李曰。驗在商。果然。

堂下開張店舍否凶

占店舍本在街衢而忽變形。曰。堂下急趨避利。胸有貪私。

貴人坐店中

文人武士夢之得財。農工商賈夢之遇貴。輒涕泣離夢之獲吉。病恙病瘵夢之爲鬼神。婦女獨夫夢之生賢嗣。族家店主夢之逢貴客。

店面低小

占 夢此小事吉。又審
日 所設何物推占之。

旅邸

身寓邸舍夢之另占。

占 文墨之士。夢離家而羈旅舍。主長驅以見大貴。
日 之姿。夢即次于店鋪。中主分別與離鄉井。

廣庭

大吉

裴度未遇時。夢坐高堂。四顧亭廣百步。戶外
場如曠野。芳草芊綿。後入相。賜建綠葉堂。

場中井

吉

占 久居異鄉。夢之歸故里。險難災危。夢
日 之禍患消。疾病煩慮。夢之百憂散。

場上花木茂盛

占 凡夢場野曠大主心意寬暢便宜行事之象。○夢場中樹木森森花枝的的草菜菲菲春和景明主文思高達。○夢此堆積汗穢草木枯朽高下不平風景凄慘主貧乏荒歉。

場聯厨竈 吉

占 諸事有恒平安無利占之主豐足不歉之象更得永保無虞之慶。

場上揚旌旗

貞吉 否凶

占 學者夢之得第登科鄉人夢之迎神賽會商賈夢之盜賊蜂起病者夢之不祥之兆。

竈下揚旗

占 此夢須防火燭之災若值世亂夢此主兵戈在目前雖厄無咎夢檀庵主佛力救護。

脩造大厨竈 大吉

占 貴者祿壽增益富者子弟榮顯求名得名成求利得利取求與巨室交者遇寵貴人之夢。

天井

占 夢坐立庭中，主瞻天之否泰。見三光者吉。見烟者凶。○夢卧于簷外，主德行之損益。仰望安開，主伏俯悲咲凶。○夢水大荆，主上家業之飄殘。○夢草滿窻前，主文章之上達。

窻在庭場無益 凶

占 暴露之象。夢此主家破人亡，世亂者位不當也。身有病恙者，夢此無妨。婚姻夢此勿娶。

置井窻於廳堂之中 貞吉

占 家破分離之際。夢此反爲吉祥。而事在人爲。曰 安居樂業之時，夢此必有變異。而行善可保。

窻

占 窻下清泉湧，夢主獲利也。窻下燈火燃，曰 夢主揚名也。窻中火鳴聲，夢主口舌也。

一室二窻

占 此夢諸事不成之兆
曰 人有夢此果作二竈

竈中穿井

井中作竈同占

凶

占 學業難成謀爲不遂
曰 病者身亡子孫憂累

竈下水池環轉

占 夢主吉轉爲凶凶反爲吉之兆安居逢禍
曰 患逃遁被人知災患能離脫殃消疾病除

池中竈

占 流離顛沛之際夢此諸事得濟病者夢之凶
曰 安居樂業之時夢此產敗身危懷孕夢之吉

井中火起 大吉

占 火在水上未濟君子以慎辨物
曰 居方又曰君子之光其暉吉也

池中井

汪熙寧之妻胡貞良婦居矢志不二嘗夢大池
數百步中有一井池水走于水上汲于井井水
甘時洪武二十一年詔徵識字良家婦有司以
氏應詔入宮爲中書令五載賜祿回籍令尹趙某
詩曰宮娥取作中書令聖主稱爲女丈夫

窺井笑凶

唐昭娶姑少女張氏留之衛南莊恒以事入洛累
月不得歸夜夢妻隔花泣俄而窺井笑及寤心惡
之明日就日者卜之曰隔花泣者顏隨屈謝
也窺井笑者喜向泉路也居數日果有凶信

入井有人背負而出

扶人出井負日出井

夢此兆吉主得人護助○夢墜落井中或坐井觀
天主水火之災○夢醉入井主訟事○夢伏藏井
內主牢獄○夢在井
中跳出主遠行大吉
玄宗夢入井有一兵士著緋襪背負而出明日使
於兵戎中尋訪無此人又於苑中搜訪見一掌關

著緋襖，便引見上。問汝昨夜作何夢，對曰：夢從井中背負日出，登天上觀其形狀，與夢相似。乃問汝欲官乎？答曰：臣不解作官。臣家貧，遂勸賜錢五百千。後有祿山亂，子儀再造唐室，果驗。玄宗入井之。

井中生樹石花草 吉

占

夢井中有巧石，主奇巧之事。名花芳草，吉。

日

樹木皆非井中所植，當以字推。惟竹無妨。

何祿。夢井中生桑，以問占夢，趙直曰：桑井井中之物，會當移植，然桑字四十下入，壽恐不過此。後至健，爲太守，年四十八果卒。

井內有人

若其相識之人，久客在外，夢在井中見之，主還鄉井之兆。若卧在井中者死。

黃幹通判安豐軍時，淮西帥司散騎和州獄獄故以疑未決。幹夜夢井中有人，果于廢井得尸。

將雪填井 凶

占 此夢家室不寧。受人欺擾。作事無終不祥之兆。女子夢之。主井水枯。

井涸

占 夢此主貧乏。天一生水。萬物無水不生。故也。病夢主腎虛。無妨。

穿井 貞吉

占 夢人穿鑿舊井。主朋友至。○夢平地開井。主得良友。○夢穿井見水。主遠信至。○夢身自淘井。主爵祿榮盛。○夢自汲清水。主得財物。○夢人汲水授已。主得人之財物。○夢水湧出井上。主登科拜相。○夢加脩井欄。主家富。○夢窺井見天。主得官祿。○夢井中水漲溢。主作事成。否德之人。反為凶災。

井水涸濁 凶

占 夢此主乏糧之患。若夢汲無水。繩綆斷落。旋器破傷。尤為大凶。

屋在井內

占 夢之于有災夢房
舍居住井中大凶

井崩損傾洩汗塞

占 此敗家之兆夢蔽蓋井欄者
無妨但家事未得昌盛耳

草舍茅廬

占 夢眺望見之主吉
夢卑窄傾壞則凶

冠山來淑人之夫犯罪被囚夜夢前隣結茅房相對照淑人自解曰茅房乃草舍也與救字同音對照吾門必有救釋良人之兆不數日果遇救還家

涼棚

占 男夢納涼于棚下主安閑喜慶患去病痊女夢裸形于涼棚主病患驚憂或有私情行人夢之主伴

日

侶和洽諸事得吉。

彩棚

日占

夢此主有慶賀之事。病者不宜。

元德秀少孤家貧。事母至孝。夢坐于棚下。棚上錦麗五彩。光燦百花。寤曰。此兆吉昌。但母老矣。何忍入京。果擢進士。

花棚

吉

日占

夢之當以花名推其吉凶。若於脩造種植夢之。並叶。

牛棚羊棚

日占

此富厚之占。占有棚無畜者不祥。

雞棚

吉

占 夢育司晨存夜風見幾而作微臨西肖
曰 會秋聲教思無窮出入無疾朋來無咎

猪圈凶

占 升夢此者凶多吉少夢身入圈中主牢獄
曰 死亡之禍惟田舍翁夢屋外造圈者吉

坑廁

占 君子夢之事不諧小人夢之得財病夢入
曰 廁康健夢深坑大災凡夢陷坑廁中者死

鹵簿入廁中

宋沈慶之在文帝時夢引鹵簿入廁中意惑之占
者曰君必大富貴然不在旦夕間鹵簿是富貴者
引入廁中所謂後次也知君拜相不在目下慶之果以卒武時出登三公

船坊吉

占 夢此主出行利船能安然
曰 風波不起坦夷平吉之象

馬廐

占 夢此主通達。○夢馬出廐主遠行。○夢馬入廐中主信報至。○夢廐中馬嘶主口舌。○夢廐中馬驚主火災。○夢廐中無馬主作事不成。○夢馬坊破壞主家中人有災。○夢脩造馬廐主得富貴。

蓬廩吉

占 夢此主命工匠爲大作之兆。○夢居廩中主作事因人借力疾病得遇良醫。○夢行過廩外與廩內人語主決事得中志窮無咎。○夢卧廩下者不祥若其人平日有事廩中者又當另推。

空

占 工成豎立除器戒不虞。○夢別妍媸毀方而瓦合土塊泥丸大功成既濟身居日用小器審明夷。○夢此者君子以正位凝命小人以革而順從諸事皆吉。○夢造空者主成器。○夢居空中者平人主幽苦。○夢空主異日光明。○夢燒空者主抑鬱之兆。○夢空中器物充滿者主闕閤不寧。

〇〇〇倉庫

內帑御庫 大吉

占

少者夢之。天祿豐隆。身榮譽顯。老者夢之。天年永久。子貴孫賢。尊者夢之。以盈虛爲治亂之徵。病者夢之。以言識。

爲吉凶之數。

陳劉皇后勿夢立金屋。內侍飾如宦官。叩首曰。東天庫。次日。母招日者占之。日者曰。必作大貴人。年十七。填于帝。日者語人曰。劉后勿夢東天庫。東字加耳旁。陳字也。天庫宦官叩首。我云必作大貴人。今果然矣。

武庫

占

凡夢入此。學博才高者。得與斯文。良謀善射者。登壇之選。商賈夢之。大發。夢中遙望不得入者。反是。

太倉 吉

夢占

卷十五 倉庫

三

夢占

刑文偉奏支俸太倉倉史曰進肉千歲。文偉曰自有宰官進膳。倉史曰奉天封諸文偉宰之。得書右史及乾封初文偉爲東駕典膳臣上書減膳太子答書嘉嘆其年右史缺高宗曰文偉以吾兒不讀書不肯與肉直臣也遂授右史職。

倉廩府庫 吉

占 夢此充盈主年豐民足。夢此虛耗主年荒國亂。夢得此支應福壽永昌。夢倉廩盈足者下人吉上人凶。夢府庫盈足者。

上人吉下人凶。

民舍倉廩棧房確坊

占 夢登造脩葺五穀充盈主家業成。夢坍塌空虛污穢主貧窮破敗。

王季良夢入倉倉無粒粟拾得一錢置褲中以問占者曰一錢可得萬利未幾瘡發腰間之粮餒死鄰里聞之謂占萬利之談無稽云。

地窖

占 夢此者，潔淨充滿，覆閉高平，大吉之兆。汗穢破損，缺陷暴露，不祥。若夢窖中渾泥浸者凶。

水窖 吉

占 夢入此清冽寒泉，主腎水充足，精液堅固。昔日有南粵人夢此者，或問之曰：「泉中和蘭無流泉，巨室作石窖畜水，夢此當遠行至和蘭可致富。」

○○○苑囿

上林苑 吉

占 蛟嶺茂林，晉履帝居之都麗。玉臺金闕，周行王道之森嚴。何天之衢，渙奔其祝。王假有廟，賁于丘園。白昭其明德，得尚于中行。夢中光線子。

盧覺後有餘鳥，有志達皇都，徵祥吉兆。
阮長之末第，夢登高崖，履大道，數里處，朱門金闕，光耀琉璃，見一關曰：「汝欲遊上林乎？」臨海觀日，是

可得榮歸。由殿前步至海岸。見月初出。雲光耀目而寤。後爲臨海太守。

內苑 吉

占 有應。選夢入內苑看花。及期授京兆尹。凡夢入深宮內苑上林。主名譽達皇都。大吉。

離宮別院

占 夢入離宮別院。當以所見形色。所聞詞字細推之。或吉或凶。有驗。分離別業者。

官廨後苑園

占 夢此宜審官廨所在。及花卉草木等類。細詳之。以辨凶吉。景象新華茂盛者吉。反此者不祥。

田舍 大吉

占 夢造園林于田舍。主增益田土。○夢豎田舍于園中。主園林荒蕪。○夢遊田舍。宜以屋木另推。

起造新莊 吉

占

巨室富資繁華工作夢

此必有大利諸事皆吉
李德裕九世孫某夢遊平泉庄寤曰昔者始祖平
泉庄遺命云毀一木損一百非吾嗣也及遭亂離
竟成荒丘噫焉能有良裔再復此地肯
構一堂哉旦謂士夫兄平泉莊園焉

湖亭

山池亭榭

貞吉

商人萬鈞候風泊舟江沙間夢登湖亭排簾見文
武官數十人至前諫叱曰速去驚覺命舟師楊枕
騎風而往救里許金兵至嶠索舟渡江鈞嘆曰天
遣速行得救民命舟泊江邊不夢江亭而夢湖亭
胡爲停泊于此也登臨罷譙等候風
罷則遲晏也諫曰速去脫兵索也
宋末江南民多夢湖無水居亭內不敢出占
曰湖無水胡也住亭內不敢出隱也果驗

占

行人夢此得暫憩於山間水間達士夢此
得高尚于聖名聖利病計城市夢此不祥

夢林

卷十五

苑園

占

另居別業

占 主出縣起軍之兆。夢此小試。利在他鄉。謀利貴在遠途。又主幽居。辟有夭。

假山

占 此兆行而欲止。止而必行。凡事因假成真之占。

菜園吉

占 周公云。苑陸中未光。凡夢此者。中未光大也。文人應試。夢此當察命題。武將臨邊。夢此難爲戰守。病疴痼疾。夢此得藥得愈。婚姻孕育。夢此多子多孫。鄉人夢此直叶。有補無災。

王懋夜宿鄉間。夢買地二十畝。造一菜園。區曰。不如園。有童子與懋同臥。懋以夢告之。童子曰。買地用錢。種菜多子。論語云。吾不如老圃。一個女口。補君胤嗣。王懋乃娶妾。生三子。此童効力。如事父母。愛之。

〇〇〇關陞

貢院關房

貞吉

凡入坐其中者應試夢此登高第官吏夢此差場
屋商人夢此遇雨吉大貴夢此得利息武士夢之
事勿憂軍卒夢之主美役病者夢之不祥匪人夢
之牢獄僧道夢之坐立關底人夢此須遷宅夢出

占

其外者反

此而占

信安劉必明家貧遊學江右人以數金托之謀
妻徐氏知之曰我見汝安貧樂道奈何作此欺事
必明以金還其人交夢入貢院立關房下房上人
曰坤金在何處必明曰我姪劉某推入場驚寤次
年中秋爲
湖南令

關塞

夢把守關塞主扼要得權○夢過關出塞主命運
亨吉○夢過塞入關主際遇得利○夢關大開主

命○中關然開通○夢關門障礙主運限不通○夢
遊行塞上主得食祿○夢立塞外關上大開而身
不入關主口舌是非○夢關外斷橋無路主命中
大限不吉之兆也○夢關塞危橋歧路得人引過
通衢主災消病除得人扶助○夢由隱徑過關土
行言不正遭逢不偶○夢關塞無人主逃避口舌
尋人不遇

鈔關

占曰

夢嫁關收鈔主大獲財利○夢納鈔過關主財祿
進益○夢關吏征鈔神貴受辱主是非爭訟○夢
人同行至關分路者凶

余成善妻祝氏夢夫坐舟出關祝氏立關內納錢
關吏索取錢五十二文痛以言于夫成善曰我得
出關時運通矣未幾夫死
祝守家法始居五十二年

遙望關寨旌旗烟火驛中火起 凶

占 夢此主兵戈爭鬪之徵宜防火圍
日 旦夕不吉之兆是多凶而少吉也

坐守關寨中 吉

占 文人武士夢之。主得官爵。掌關防。○隱士夢之。
日 主安貧樂道。○平民夢之。主避仇惡。得安也。

郵亭 吉

占 凡相會往來其間者。名士清門。夢此得貴人交。富
日 家巨族。夢此主遠行。商賈夢此主交易。病訟夢此
不 祥。

填關

占 夢填吏扶過填上。夢開關過關。主運通拜。
日 達。夢舟車爲填關所阻。主命運遭逢艱阻。

○○○ 囚圖

錦衣衛獄

夢占

囚圖

夢占

夢占

官官張某夢王守仁入錦衣獄獄中乘騎山抱龍入雲是歲守仁彈劉瑾詔獄誦龍驤昇

天牢

占夢此主病患之災若夢入視罪犯出外而寤主吉昌

坐牢獄 吉

占夢坐牢者丑年利夢坐獄者戌年通貴人夢坐吉平人夢坐凶疾病之人夢赦出者主患除

乘輿入獄

佳龜從夢乘輿入獄三百餘人叩拜號泣獄吏曰平言里王一人四人走事河中及寤異之待旦記藏于笈及爲大理評事從事河中府啓笈見書嘆曰此兆果驗于今日然則斯已矣乎後爲少保歸洛

〇〇〇 神宇

郊壇社稷壇 大吉

占曰

君相誠格之夢。天地感孚之占。郊祭天。天子以作樂崇德。殷薦之上帝。以配祖考。社祭地。以配后。饗國之大事。莫大于是。君子夢之。明乎典禮。治國如家。而布衣夢之。利用爲大。作見善則遷。有過則改。行禮上帝。命于旅。至郊壇。無行祭禮。賜婚肉。堯舜此兆不祥。禪山之應。于儀再造唐室。玄宗爲太上皇。此瑞徵見於未示之先云。

太廟明堂

占曰

文士夢之。名登黃梅。位列宗伯。武士夢之。功在社稷。世授簪纓。平民夢之。推其所恒。以占夢生于太廟之中貴。

嘗有工匠夢造綾思殿。占者謂此乃玉城宮闕。必有事至。果克皇陵之役。

文廟

占 夢遇門而不食。非孔子之待夢。夢登堂而入室。乃士之瑞。不習舉子業。夢入文宣廟。喚在子若。

日 劇者夢此。幸遇聖良友。尚有卡年壽。僧道夢此。宜結大儒緣。

歷代宗室先朝帝王廟

占 夢中象吉爲吉兆。夢中凶象爲兆凶。夢中無吉無凶。所驗將遊于此地。

城隍廟 貞吉

占 凡夢此者。當以所見所聞受持勿誤。若夫忽畧怠弛。誕妄褒貶。災必臨之。

山岳江湖諸神之宇

占 能事鬼神者。心誠而不敢懈。能敬而不敢褻。能遠而不敢賣。若斯者。天必祐之。倘有不虞。神明厚光于未幾。使避凶而趨吉。幸改禍以成祥。于是見之于寤寐之中。宜之于容辭之外。志在江湖。夢河伯海神之廟。道由關嶺。夢山靈天將之祠。一言一動。毋忽毋疑。

劉在爲舒州刺史。薛儒生霍爲蜀練判官。甚見信
任。後爲左右所譖。因搆其罪下獄。白使府請殺之。
帥知其寃。使執送揚都。存遂縱之。于獄旣而存還
鄂州。節度使霍友人在舒州。夢霍素服自司命河
中出。撫掌大笑曰。吾已獲雪矣。候而有帥師征河
南。霍妻兄馬鄩爲黃州刺史。有夜扣齊安城門。黃
曰。舒州霍判官將往軍前。馬病。白使君借馬守厚
者以告。鄩嘆曰。劉公枉殺霍生。今此人往矣。得無
禍乎。因畫馬數匹焚之。
水際數日。存敗績死焉。
丁元珍嘗夜夢與歐陽修至一廟。出門見馬銖一
耳。後元珍除峽州。修除夷陵令。一日同祠祈謁。黃
牛廟。入門。惘然皆如夢中所見。門外石馬。
銖一耳。相視大驚。以爲事有前定。如此云。
或曰。萬事皆前定。何用苦勞心。惡是何言。歟。世之
所謂前定者。是誰定之。惟志之所至。定之于旣往。
故事之所自。見之于將來。善人未必無過。昔日有
罪孽。則得善名而受奇禍。惡人未必無善。昔嘗有
善念。故名大惡而反受福。嘗害人于人。所不知者。
福臨之以表其凶。易曰。天地感而萬物化生。聖人

感人心而天下和平。觀其所感。而天地萬物之情可見矣。

五祀

占日

家主中書而國主社。中書者。卽家堂之謂也。家堂之神。爲五祀之主。地宅所居曰土地之神。進路之主曰五道之神。貨財之主曰五路之神。日用之主曰六神。電有電者。井有井泉之神。戶門坑廁。皆有神祇。各有廟室堂宇。夢中見之。大小不同。而吉凶悔吝。皆直叶者。

魁星閣

大吉

占日

夢此主文章應試之祥。有夢登禮拜。後及第。道經于此。宛如夢中。乃以俸金。命工構葺。

龍王廟

占日

夢此主風雨旱澇。田土途路之徵。久旱夢之。有大雨至。久雨夢之。主雨止。

伏廟

道家

占曰

劉幽求奉使歸。未及家十餘里。夢伏寺中。聞歡洽聲。垣樓見妻在坐內。幽求對毛下之。走散。既覺。馳抵家。妻方寢。聞幽求歸。起叙寒暄。訖。妻語夢遊一寺。會有人自外。以瓦礫遂覺。幽求亦具陳前夢。各各驚訝。○凡夢伏神主男女情欲。孕產吉凶。惟病中夢之必痊。

凡夢入道家宮觀樓閣洞室丹房。遂觀居處者。常人皆吉。病者不詳。入其中而有人指點引導出入者。又當別占。

先王以神道設教。而天下服。政教備弛。有司失其傳。而亂將作。孔子適周。問禮于老子曰。老子其猶龍乎。老子西出關。授關尹道德經。秦火之變。得其傳者鮮焉。天師張道陵出。而神教復興。三教皆自老子始。養生之道。深造其旨。名之曰仙。仙道莫能傳。世之假借虛妄。以邪說誣民者。比比皆是矣。惟天師得其正教。是曰道教。凡夢神廟觀院官殿。道家所居。若三天門。大皇殿。安樂宮。玄都觀。飛仙

臺廟堂道院等神鬼所依神鬼無形與聲傳
有聲其聲也靈有過則驚無過則靜惟教與
得其平病痼夢之得生願沛夢之得寧此造
之無蓋藏也見幾而作全在心清心放曠爲
惑于邪術業廢家傾荒淫飲蕩諸事不
成魂之所憑天神之靈因夢想以示呈
張宣咸寧中夢行仙府聞天風海濤聲振林木
海中樓閣金碧瑤瑤數人揖宣入請賦詩且曰
問文章要與纖女執紆分巧勿過人間語宣成
絕云天風吹散赤松霞染出連雲萬樹花悞入
鄉迷去路傍人應嘆忘還家有仙曰子詩絕佳
未免近凡罰酒一杯極甘忽夢覺山而覺
宋張成憲在陳州不欲斷成憲覺以及無辜之民
後因設蕪茅山夜宿玉晨館夢至一殿廷主者曰
陳州之事尚記憶否此間文籍甚明命使者各抱
一錦囊與之曰以此相報是歲妻生一男妾生一
女後皆貴盛次年
轉大夫直秘閣
治平中蘇轍寓京師夢入三清殿上老子像高二
三尺狀甚異謂轍曰子知楊綰事乎轍荅曰唐之

釋家

賢相也。子知高。郢嚴震乎。轍曰。郢文惠。震功臣也。三人孰優。曰。郢震不及。縮速矣。曰。三人皆終尚書。僕射。然縮不至上壽。郢震並享者。子知其說也。曰。不知也。曰。縮好殺生。而郢震皆不殺。此所以異也。子志之。

占曰

夢見寶刹壯麗者。主吉祥。○夢見寶塔輝煌者。主高舉。○夢登殿禮拜。主身心齊潔。○夢登塔極頂。主位尊壽永。○夢上戒壇。主得佛力。○夢入佛寺。主平人吉。貴人凶。○夢入寺人阻。患難者吉。平安者凶。

佛者。西方聖人。夷狄之一法也。不生不滅。不垢不淨。無我相。無人相。無衆生相。無壽者相。普度衆生。衆生得度。信受奉行。施舍功德。而浮圖方丈。叢林檀越。遍天下。曰舍利塔。曰大雄寶殿。曰講經禪寺。曰功德道場。曰懺悔道場。曰講院。曰齋堂。曰小菴。曰靜室。曰僧舍。曰佛堂。曰蓮花座。曰法堂。曰寶塔。

釋

釋字

三

夢占

曰石塔。又尼姑菴。道安菴。凡夢之者。普度結緣。先
露其幾。諸菩薩。諸佛。諸善提。長老。阿羅漢。和尚。
師。沙門。稍覺。道人。香火。善人。信士。信女人。念佛。
音力。脫離地獄門。三生百千萬劫。共以成佛。通人
經曰。無無明。亦無無明盡。

後晉寶雲寺僧。一日夢于舊寺。基水際。得古斷碑。
云。寺南高基。乃顧野王僧與地志處也。明日果得。

碑。乃于基上。建野王寺。元成廷珪詩云。
壁銷壤壁書千卷。土無殘碑字幾行。

北魏奚康生。久爲將。多所殺死。而乃信向佛道。嘗
於南山立佛圖三層。忽夢崩。沙門爲之解云。檀

越當不吉利。無人供養佛圖。
故崩耳。不久竟爲元義所毀。

揚州西靈塔。極峻。淮南詞客劉暉之遊明州。夢泛
海。見僧懷信居塔三層。言暫送塔至東海。旬日而

還。隱之歸揚州。即訪懷信曰。記
海上相見時否。數日。毀于火。

宋王球爲涪陵太守。以失守繫獄。防鎖堅固。獄中
百餘人。並多飢餓。球每食皆分施之。日自持齋。心

念觀世音夜夢昇高昇高一沙門以一卷經與之
題名光明按行品併諸菩薩名求得而披讀忘第
一菩薩名第二觀音第三大勢至又見一車輪沙
門曰此五道門也既覺鎖音斷脫珠心知神力彌
增專志因自釘住其
鐵經三日而得原

宗澤夢造九級浮屠
明旦見金龍薦爲將

淳化間周朝寄任泗州守嘗不請于朝而修城朝
廷不准所費罄家資之資不能堪夜夢老叟謂曰
若往招提寺可終汝身明日往寺遇老僧僧問姓
名鄉貫即請沐浴更衣設供止宿且具香花迎入
法堂會衆升座曰尊君侍郎所寄錢十萬貫老僧
被此襪襪十年謹用歸納授以簿書訖端坐而化

勅建忠孝節義鄉賢名宦祠

占 白昭明德性風憲于一方受茲介福享血
食于十載寐寤志合前賢徵兆身榮異日

家廟路寢

夢林玄祥

長仁在

神宇

呈

夢占

祠堂

占曰

觀音堂

貞吉

家之有家廟所以盡子道。陳孝享也。諸侯五廟大夫三。上上一中祀始祖。左昭右穆。祀高祖曾祖祖考。又有祧廟而祀考妣于禩廟下。士無田不敢以祭。士庶人享親于路寢。凡夢此者爲子不忍忘其親而先靈因之見其慈也。○夢建造修葺主富貴增益。○夢拜奠蒸嘗主爵祿豐亨。○夢于廟內見先靈喜吉。悲凶。○夢家廟中有見猶犬豕主凶人求食。○夢入其官不見靈棲主有禍事至。○夢廟中生草木主敗亡顛沛。○夢欹斜損壞靈棲顛倒主九族不睦。夫妻反目。○夢蔽塞毀斃主家破人亡。○夢揚旌掛彩主喜事至。○夢一鳳御書入廟主皇恩授詔。

夢爲人造祠祀已故之人者主夢者吉。祀見在之人者主其人吉。○夢人爲已造祠者主自己不祥。

觀音普門慈悲大士也。夢之主宜修齋行好事。結善緣。非義財莫取。非理事莫爲。貴謙。修護。慎。爲。吉。

關帝廟

大吉

匹馬單刀。忠肝義膽。護國安民。之六帝。文士臨場。兆之。定占魁元。武將臨場。兆之。大勝。恆人兆之。門庭。之不日而愈。商賈兆之。利當十倍。清吉。孕婦占之。兆主貴子。主訟事得清。官遇難。終獲解。大吉。

賢聖廟

大吉

占之。主得賢友。遇聖師。生女得秀。生于得貴。利吉。

夢林玄解卷之十五 終

夢林玄解

卷之十五

神字

三

夢林

夢林玄解卷之十六

夢占

服飾部

冠冕
襪

衣衫
帳幃

裘甲
巾帶

舄履
囊帕

衾枕
環釵

〇〇〇冠冕類

冕旒 大吉

冕旒之製古矣。始於黃帝。冠上有覆。前後有旒。夏禹致孝享。美乎。敬冕。孔子論爲邦。服周之冕。乃至尊之元服。國家舉盛典。行隆禮。則用此焉。夢之者。主有大喜慶事。士人見冕旒。爲左右輔。而見冕旒。得朝夕進御。庶民見冕旒。子孫入覲。天顏。或見冕旒。應夢焉。

冲天冠 吉

占

王者用之。藩府亦得服之。籍紳夢此。得寵任。青衿夢此。得顯榮。若優俳夢此。則其習見不諱已。梁武帝勅賀革爲元帝府咨議侯。講三體。賀將行。意甚不悅。過別御史中丞王革。江告之曰。吾夢主上偏見諸子。至湘東王。脫冠授之。此人後必當璧卿其行乎。賀領之。及太清之亂。遂膺歸。

貂蟬冠

貞吉

占

此貴官之盛飾。凡夢之者。必受國恩。享天祿。但夢戴之。或得之。或整之。則吉。若夢失夢污夢散。有不祥焉。或爲更新之兆。

皮弁

吉

占

公侯之首服。凡夢此者。必得官爵。文臣夢之。朝廷有事。宜召武士夢之。邊方有事。出征。若有功勞。數受封。產世襲。

紫金冠

占

公子王孫之服飾也。凡夢之者，爲逢凶化吉，遇難

生祥之兆。出行逢貴客，婚姻有良緣，商賈獲奇貨。

詞訟遇

清官。

魚尾冠

貞吉

占

羽士之服飾也。見之于夢，居官者宜優游林下。有病者宜請求法籙，祈晴得晴，祈雨得雨，凡事人定

亦能勝

天之兆。

鐵冠

宋熙寧初，邵武人徐應春夢一方士，鐵冠道服，儀容清偉，既寤，至城南五峰院，遇所夢者，自云姓蔡，住武夷，遺以五華草，食之甘美，自此不服粒食，但飲清泉，約以某日至武夷，至期而往，蔡已先在，徐以水深不能渡，止於金身院修煉，尸解而去。

黃冠

蘇長公軼知揚州。一夕夢在山林間。忽有一虎來噬已。方驚怖。有一紫袍黃冠者。以袖障之。叱虎去。及旦。有道士投謁曰。昨夜驚畏否。蘇知其爲幻術。遂叱之曰。鼠子敢爾。欲杖其脊。漸縵而去。

捧簪纓而進 吉

占

此夢主得人之瑞徵。人君夢之。必得良佐。或遇之。必遇良朋。庶民夢之。必逢貴客。易曰。由豫大有得。勿疑朋盍簪。

占

整冠服而朝 吉

占

此整舊重新之兆。必有大喜事至。外臣將入朝。隱士將被召。致仕在家。將復起官。

朝衣朝冠入山林

占

是夢也。各以類占。文人才士。隱居荒野者。主他日榮貴。焚黃顯親。公卿大夫。凡任顯要者。當退歸田里。致仕告老在家者。恐就木入土。

唐右補闕毋旻夢著衣冠上北邙山親友相送及至山頂回顧不見一人意甚惡之無何以熱疾暴

或錫之冠帶

占

夢此者主貴顯之兆士子必登第授職官員必陞秩加銜在閨闈必然夫榮子貴在者德定作鬼判

冠中束帛 凶

占

束帛原來是白巾如何夢見帽中存只恐無端凶事至且將顏色細評論白主孝服紅主刑傷黑主水厄青主懸梁黃者爲吉

冠上簪花 大吉

占

夢此主有樂事至花是人間物花開必遇時天時應人事喜慶可先知應舉在第一甲小試亦在無

日

等仕宦業恩賜宴。
平常婚姻嫁娶。

冠上又加一冠 吉

占

貴人夢此主兼攝國政富家夢此主雙貴臨門爭訟夢此事涉兩司平常夢此喜事疊至生男有二子貴

朱衣武冠

蕭巖蕭巖嶽至陳德教學士沈君道夢殿前長人朱衣武冠頭出欄上攬臂怒曰那忽變叛蕭誤人事後主聞之遂忌二蕭散其衆。

男戴珠鳳冠 凶

占

女子之貴服也夢作男裝非所貴而貴焉各必屬非所服而服焉身必危既辱且危死期將至妻其可得見耶易曰入于其官不見其妻凶

男戴假髻

占 司馬懿畏孔明甘受巾幘之辱。夢中而戴假髻身。裝女無丈夫體度者也。作事必退怯。治家必疎慢。
日 詩云抱頭擊鼠腹掩耳。怕獅吼此夢之謂歟。

女戴男冠

否凶

占 此陰盛侵陽之象也。主女子奪夫權。內人干外事。且有拘囚悲泣之兆。夢之者宜以綱紀持身。以警。
日 義治家易曰家人嗃嗃。悔爾吉。婦子嘻嘻終吝。

兒童戴紗帽

占 嬰兒之兒為貴顯之兆。疫癘之童是俳優之。
日 徵若有訟事者主小官審問不至用刑也。

嚴寒戴紗幘

吉

占 夢此主氣榮膺壯之兆。士子應在賓典將帥應在。
用兵詞訟勝在殘歲。婚姻成在明春。遠行者歸久。

日

病者起凡
事大吉。

盛暑戴穗帽 凶

占

此作事畏首畏尾。退縮不前之象也。雖有進退之義。求名不遂。出軍不利。行人有疾。囚者難脫。病患未愈。諸事淹遲。不吉也。

單巾幘

襄陽蘇嶺山廟門有二石鹿。穴之。故謂之鹿門山。郭重產記云。雙石鹿自立如關。人或有時不見。鹿知有重瑞。渠天監初。有蛛網。獵人見二鹿極大。乃走馬逐之。鹿即透澗。直向蘇嶺。送夫所在。疑是二石鹿所化。遂回。其夜夢見一人。着單巾幘。布衣。相語云。使君遣我牧馬。汝何擊迎。幘得無他。若兒損傷。豈得全。

幅巾道服

張忠定公詠在城都嘗夜夢謁紫府與君接語未
久吏忽報請到西門黃兼濟承事以幅巾道服而
趨真君降階接之禮頗隆盡且揖張公坐承事之
下詢顧詳欵似有欽嘆之意公翌旦即遣典客詣
西門請黃承事戒令具所常衣服來比至果即夢
中所見公卽以所夢告之問平日有何陰德衆莫
君厚遇如此且居某之上耶兼濟曰無他惟每歲
禾麥熟時以錢三萬緡收糴至明年禾麥未熟時
小民糶食之際價值不增升斗平準在我無損而
小民得濟所急公曰此承事所以坐某之上也今
索公服二吏掖之使端受四拜黃
公後裔卽今入仕路者比比青紫

烏衣黑幘

陳甲獵於東野大獲獸見大蛇長六七丈玄黃五
色臥岡下甲射殺之不敢說三年後至故見蛇處
語同行云符在此殺大蛇其夜夢一人烏衣黑幘
至其家曰汝無狀殺我我昔醉不識汝面故三年
未相報今自來就死欲安
逃乎甲遂驚覺腹痛而卒

帽無頂 凶

占 帽無頂今主損傷人若夢之有災殃
諸事不成更有害關關獨坐守坤陽

戴蓮花巾

貞吉
否凶

占 蓮花巾戴象西方向善修行第一行有孕忍生是
弄瓦病人夢此主非祥昔吳江女道士頭戴蓮花
巾也

戴僧帽

占 主離緣絕俗之象夢已戴之家業衰親友疎子姓
周零顯宦致仕病人難痊諸事有碍惟平日好修
行奉齋者可免無虞沙
門光之貴泰禪悟云

戴白瑣帽 貞吉

占 白主素素猶凡在也事當
素位而行宜守舊則吉

帽斜戴

占 其冠不正。主非由正道之象。占此。恐遇無美事。交無良友。凡事宜小心謹慎。爲吉。

結駝帽

占 主細密難成之象。占者。事多遲留。病多憂。春夏夢之。猶可。秋冬夢之。只宜靜守。

帽墜地

占 墜及也。地第也。墜地。主及第之象。士人兆之。定占。魁首。頭角峰。庶人兆之。傾跌天物。若獄人兆之。惟慮落首之恐。

占 魁首也。齊等之貌。作主交友。兆之。主同類共事者存利。

戴斑竹冠 吉

占 戴斑竹冠。主及第之象。士人兆之。定占。魁首。頭角峰。庶人兆之。傾跌天物。若獄人兆之。惟慮落首之恐。

戴涼帽 貞吉

占 戴涼帽。主及第之象。士人兆之。定占。魁首。頭角峰。庶人兆之。傾跌天物。若獄人兆之。惟慮落首之恐。

占 夏暑夢之主。乘涼之兆。清吉。
日 寒冬夢之主。夢寐之象。不利。

帽被人搶去 凶

占 帽被搶去。兆不祥。家中事事變生殃。
日 父母妻孥俱有碍。病者須防壽不長。

戴孝頭巾 吉

占 主家中有孝子。順孫。
日 兄弟和翁者。方兆之。

戴破帽

占 主舊交。客夫妻。久。詩曰。破帽多情。
日 却惡頭。或貪化飲酒者。必染病。

首戴圓冠脚穿方履

占 圓冠方履。主天圓地方之象。夢之生意。
口 亨。門庭慶。士戴元冠。壽者得康。迪吉。

戴皂隸帽

占 兆之者。主訟事。要脩省。或可免。

帶帽套 吉

占 主溫潤豐溢之象。兆之。百事和。遇貴人共事。利吉。

戴西方巾

占 西方主白。夢戴此者。主病人危也。

綠袍烏帽

曹州定陶縣北有陂澤。居民採蚌。篋贖生。虜亮王隆元年。女直人阿失里爲邑宰。夢一人綠袍烏帽。皂靴革帶。握手版入謁。告細民捕殺其族。乞禁之。夫里夢中許諾。明夜復夢。其知所謂。迨晨。澤畔。人日衆。忽有巨物。長六七尺。狀若蛟螭。湧波噴雲。岬嶺摧陷。人皆驚走。溺死過半。始悟邑宰夢。

官戴箕笠

夢占

卷十六 冠冕

二

夢占

占 田家爲雨具。官府何被戴。此夢若推占。天機難測。在。遇早必大雨。遇雨必水運。陰陽未可知。貴賤當致仕歸田。不得沐恩之象也。

着衣不戴帽 凶

占 天不戴帽。猶有體而無頭。此凶兆也。占者。振逆事。其爲。強梁人莫交。恐誣陷有罪。或獄中人夢之。難保全。

戴網巾

占 網。猶羅網戴之。猶入之也。兆之。主禍至。必有困固之悲。或有訟者。切莫見官。凶多吉少之象。凡事小心忍耐。爲吉。

戴破幘 貞吉

占 幘。戴破。破者。解也。解災散也。兆之事漸亨。訟漸解。冤漸雪。病漸脫。吉。

懷掛空中

貞吉
否凶

占 主禍患在前。臨深履薄之象。夢此當謝絕塵緣。杜門持守。方吉。

女戴縞巾

占 女戴縞巾。今豈曰祥。家中事事變成殃。

〇〇〇 衣衫類

袞衣 大吉

占 至尊至貴之盛服也。袞衣裳九章。一曰龍。以龍首。袞然。謂之袞。天子之龍。一升一降。上公皆有降龍。日 今謂之蟒衣。在朝之臣。賜一品服者。亦得服焉。凡夢此者。占法與冕旒同。

袞衣升座

疑襲之冠。浴陽也。夢其弟某服袞衣升御座。諸酋長皆侍立。明日謂將佐曰。吾夢如此。此兒志度非

夢衣

夢衣

夢占

常或能大起吾族及薨死至太和九年其自稱秦王建年號舊制行事

衾衣倚槐

後魏廣陵王元淵薨著衾衣倚槐樹同占者楊元
顯元預言當得三公退謂人曰死後得三公耳
字木倚槐不久果爲爾
朱榮所殺後贈爲司徒

帝脫御衣

康王夢帝脫御衣長之未幾二帝蒙塵
康王以元帥南渡踐位是爲宋高宗

朱衣

貞吉
否凶

朱者南方之正色於卦屬乾屬離於干支屬丙丁
屬巳午夢朱衣者有君象焉有神象焉有貴顯之
象焉其吉其凶各以類應吉則爲朱衣點頭爲排
衣掛體爲天神降福凶則爲誅斬爲赤族爲回
降殃以人之
善惡推之

朱衣行水上 吉

梁鮑泉之爲南計都督也。墨河東王粲淹遲不揚。世祖遣王僧辨代泉。僧辨至。卽出帝旨。令示泉。鎖泉牀下。頃之。其友人乃夢泉著朱衣行水上。因告泉曰。君勿憂。尋得免矣。因說其夢。泉密記之。俄而復見。任果如其夢云。

懷中出緋衣

蜀劉審義開居力困。夢一人引上檀香樹。因何懷中出緋衣授之。服而寤。遂改名樹。及一載。蜀郡牧請杜評事充伴職。奏授殿中侍御史。賜緋。勅下。杜丁憂不行。杜薦舉劉于郡侯。奏代。杜遺劉新緋衣一領。果如夢。

朱衣滿空 大吉

司命君家世奉道。其母夢朱衣天神滿空。皆長丈餘。旌旗映其居宅。金色照身。因而有孕。遂生。司命

君幼穎悟與唐元聲同學舍年十五六出遊采真遂得仙術

朱衣長鬚

元世祖嘗次日月山昭廟順聖皇后得疾危甚召張留孫請禱既而后夢有朱衣長鬚從甲士導朱輦白獸行草間覺而異之以問留孫留孫曰甲士導朱輦白獸者臣所佩法籙中將吏也朱衣長鬚漢祖天師也行草間者春時也殿下之疾其及春而廖乎后命取所事畫像進視之果夢中所見者后疾亦及期而愈

朱衣人

方孝孺未生時父卜日葬其祖考夢朱衣人曉日聞作先大人之藏于吾山吾十族居此數百年望緩三日吾當徙之明日開曠見赤蛇千餘頭其一長數丈遂縱火焚之後數月孝孺生狀類蛇舌有一兩尖能語入鼻中後爲建文忠臣弗顧九族曰十族奈何諸友皆被逮有正學書集傳于世云

畫衣

齊世祖在郢，夢人從天飛下，頭揮華來。畫上
衣兩邊，不言而去。庾溫云：畫者，山龍華虫也。

孔雀羽衣 吉

占

此夢非常之瑞徵也。男作貴臣，應三
品股色。女爲宮嬪，應雙中雀屏也。

齊世祖夢，空中飛舉孔雀羽衣。

翡翠衣 吉

占

華服也。夢此有軒軒遷舉之兆。文士飛騰雲路，
人舞蹈天衢。女子幸遇恩寵，道者羽化而登仙。

日事皆吉。

錦半臂

正元中，柳因實參爲御史中丞，嘗一夕夢德宗
對於便殿，以錦半臂賜之。默念曰：臂者，庇也。大

所以庇吾身也。今夢半臂者，豈上以某叨居顯位，將給半祿，俾我致政乎？客有解曰：半臂者，被服之次也。今公夢天子賜之，豈非上將以服膺之位而委公平乎？明日果拜中書侍郎，同平章事。

着獸錦袍 吉

占 獸錦袍，今主貴人。家業亨，今事事新。武士位高，爵祿顯，文人雁塔，早題名。詩云：獸錦奪袍新。

着鶴氅衣

占 鶴氅衣，羽扇，鶴氅道袍。此仙家兆也。占之，士人更元服，商賈獲奇珍，羽士夢之，主得官帶。

着百蝶衣

占 此婦人女子之服也。未婚者，當娶妻；無後者，當納寵，否則反未必成祥。

着百衲衣 大吉

占 主百壽之兆。占此，喜事至，老年康，無子者得子，病者長得起。

人授一篋衣

薛夏母孕時夢有人遺一篋衣云六人必生賢明之子爲帝王所宗及主夏年及弱冠才術過人魏文帝與之講論彌日不息辭華旨暢應對如流帝曰昔公孫龍解爲辯捷而迂誕証妄今子非聖人言不談則下游子貢之儔不能過也位至秘書丞居甚貧帝解御衣以賜之適符母夢云

黃衫人

唐貞元中司勳郎中李朝歸夢夢二黃衫人引至一所其中有人曰時未至須玉魚下也後朝當龍尾道上見一玉魚把玩至家數日卒

續衣曲領

裴安祖嘗以天熱舍于樹下有驚鳥逐蟻雄忽投之遂觸樹而死安祖感之乃取置陰地徐徐護視良久得蘇飛去後夜忽夢一丈夫衣冠甚偉著續衣曲領向安祖再拜安祖怪問之答曰感君前日

見救故來謝德。○雄乃文明之物有繡衣之象。

五彩繡衣 吉

占 錦繡之服非富貴者不能有。夢此主文場之喜。會試必及第。應選爲直指。閩闕得受誥命。常人夢之。亦有喜慶事。或子貴孫賢。

紫衣人 大吉

占

紫衣貴臣之服也。夢此位列台垣。名登天府。居官必作紫袍客。生子必作紫微郎。富室應爲紫標黃榜之家。淑媛應受金花紫詔之錫。乃非常之瑞徵。吉。

宋三沐之。始作禮官時。夢入禁苑中。引一紫衣人。至後苑亭上。踰年。荆公受紫服。子時爲太常卿。引入後苑中所。至皆夢中所見。薛瑄。河津人。父貞牧諭玉田。母齊氏。夢一紫衣人入謁。遂生瑄于學舍。初生。肌如水晶。子臍皆見。祖

仲義聞其帝繫
曰此必貴人也

綠衣童子

相國王公丙申歲爲譙幕值逃已數千戶公奏乞
貸種粒牛蠶朝廷可之一夕次驛舍夢人召公出
年見一人素綬象簡曰次守之候遣一綠衣小童
三以六言受見之曰二言嘉之以此童寄驛于
公三言是二言一三言三言三言三言三言
夫人命我爲王童云唐三言三言三言三言
則吾去矣不數日公拜相踰月慶之卒

綠衣人

魏文帝尚食將供蝦蟆充御膳帝忽夢綠衣
人數百乞貸命後方悟其爲蝦蟆因禁採捕
崔悅遊學至姑家宿明晨姑家方會客悅夜夢十
九人着綠羅衣拜告求生既寤見器中有水泛蠶
正十九頭遂
請水次放之

褫去綠袍

松陵陳益少，有俊才，領鄉薦。嘗夢一人衣道服，促左右於巾笥中取綠衣靴笏與之。益詢左右，則曰：「楊文公也。」益穿袍，覺毛骨寒凜，以不能勝，道服者歎曰：「惜乎！有此才而無此綠，即命說去。」益幾不卒。一年。

黑衣人

寶曆中，張惟清爲軍于都護，有美政。詔命中書舍人高鉞文其事于石，詔至而未有所碑。惟清方命使採石於雲中，未還。其從事盧立，夢一人頤長，黑衣告立曰：「吾居于南公廟久矣，幸遷我于軍城中。」立白于惟清曰：「衛公于國有功，今廟宇隳壞，願新其土木，惟清許之。乃修衛公廟，蓋其西，得一石，方面長，其下有刻出張字，歷然可辨。工人以獻，惟清喜曰：「天賜吾也。」于是以石爲碑，而刻高之文焉。

烏衣人

率以咸和三年爲沛郡太守出行不節夢烏衣人來告云何數出不暇唯當斷馬足騰後出行馬足自

斷

桓邈爲汝南郡人齋四烏鴨作禱長子夢四烏衣人請命覺後見鴨將殺遂救之買肉以代還夢烏衣人來謝而去

浣衣吉

占衣垢汚而滌濯之也夢此主災消憂去之兆官事脫病患除室家睦但不利于求財耳

皂衣人

陝州民郭端友精意事佛紹興乙亥之冬夢紙筆清旦手書華嚴經期滿六部乃止癸未之夏五部將終忽兩目失光翳膜障蔽至醫鍼刮皆無功念惟佛力可救次年四月晦誓心一日三時禮拜顯于夢中賜藥或方至五月六日夢皂衣人告之曰汝要眼明用頻掌散熊膽丸則可明日市藥但

衣衫

夢占

得微掌散點之不効。後於道藏獲。觀音瀉眼。服之。九方。舉室驚喜。卽依方市藥。旬日乃成。服之。二十餘日。藥盡。眼明。卽日接書前帳。增爲十部外。人病目疾者。服其藥多愈。

一丈夫衣青襦

唐開元中。清江郡。與嘗牧牛于郡南田間。忽聞有異聲。自地中。與與與牧童數輩俱驚走。自是與病熱甚。旬餘少愈。夢一丈夫衣青襦。頗謂與曰。遷我於開元。與與與驚而寤。及曉。與其子偕往郡南。鑿其地。約丈餘。得一鏡。色青。乃向所夢丈夫衣色也。遂白于郡守。移置于開元觀。是日辰時。不覺忽自鳴。聲極震響。清江之人。莫不驚歎。

白衣吉

白布衣。卽古之深衣也。夢此有白黃之象。得朴義之義。希官者。官情恬淡。居家者。體度安閑。詞訟得白。病患得痊。但不利於婚姻交易。功名謀望。○白爲西方之色。屬金。金能生水。禱雨夢之。亦靈應。

占

後周建武武在同州值大旱武帝勅武肅華嶽之廟舊在山下常所祈禱武肅曰吾備位三公不能禳理陰陽不可同于衆人在常祀所必須整肅展誠尋其聖與茲既高峻人迹罕通武年踰六十唯將數人攀藤而上稽首祈禱晚不得還即驚覺至旦雲霧四起雨澤洽洽武帝聞之更書賜勞加學王焉

白衣女子

元豐四年夏駕里民羅滿于水中獲一石觀音像供于家時慧聚寺僧守齋夜艤舟于此華白衣女子曰我舟覆父與夫皆溺死師幸容我守齋拒之女曰假一篋宿何傷守齋開篋納之遂驚寤迄旦至羅氏家見石觀音如初出水身猶沮洳守齋默念與夢合因乞歸

藍衣吉

占

儒生之服也有青出于藍之義小試夢之入泮鄉試夢之貢舉若富貴者不脫寒酸氣味在貧賤者

夢占

卷十六

衣衫

吉

夢占

日

必生俊秀男兒

青衣

貞吉否凶

日占

賤者之服也。凡夢此者。貴人遭家難。富室有官司。商賈交易行。婚姻成就遲。出行逢驛馬。疾病遇催尸。若問前程事。休想鳳凰池。

青衣女子

趙文若因公事至驛。忽夢一青衣女子求哀。試問驛吏曰。有何物食。報云見備一羊甚肥嫩。詰之。乃青牯也。

麻衣

大吉

凶服也。夢之者。反為吉兆。求財有子孫。求婚有良緣。病人得妙藥。遠客即回還。利在自身着。不利彼人穿。死生雖是命。凶吉豈非天。

龍管字明期居豫章時夢玄龍爲太守先已病矣
誓往看之語玄龍云吾昨夜夢君著喪衣來迎我
經數日復夢如故云二十八日當葬二十七日葬
忽中惡就玄龍索麻香丸聞令作凶具二十七日
桓亡二十
八日龍卒

葛衣

占

當暑之服也夏秋之間夢之爲應時凡事有輕
之意無煩苦之兆冬與春夢之不及時凡事有
涼之景少和悅之象

袍衣

凶

皆毳毛所成禦寒之服也夢此未爲佳兆袍有連
連之美士人主困守寒賤袍有阻遏之美軍伍主
失機連塞冬月備可奉夏秋
俱不吉凡事當待時而動

補衣

夢

十六

衣

衣

夢

占

詩曰：衮職有闕，仲山甫補之。夢此者，出仕爲拾遺補闕之官，納言有補綴復奏之義，交友有彌縫缺

失之忠，處事有針線周密之妙，若婦人夢之，主其

夫有過差，或其子將遠行，在孤寡則爲常應，無占

衣偏袂之衣

趙孝成王夢衣偏袂之衣，乘飛龍上天，不至而墜，見金玉之積如山，明日召巫史敢占之，曰：夢衣偏袂之衣者，殘也，乘飛龍上天，不至而墜者，有氣而無實也，見金玉之積如山者，憂也，後三日而值韓氏上黨，守馮亭之詐。

著故人之衣

李固言嘗夢著宋景公衣，元和間，景頗著時望，乃自司刑郎中出爲澤州刺史，尋物故，固言心疑其夢爲不祥，及長慶初，穆宗有事于圓丘，舊例，諫官從駕行禮者，各頒禮衣一襲，固言時爲左拾遺，觀其所服，乃書左補闕，宋景公，皆夢始驗云。

人衣蠻夷之服

貞吉
否凶

非先王之法服不敢服。司世道者。用夏變夷。將使左衽盡爲文物之邦。胡然而夢夷服也。是必有久焉外國。今得還鄉者。以有不循禮度。所爲亂常者。或有本姓胡而來見。滿口胡言者。若武士夢此。應獲夷虜之人。

虜脫衣

索冠夢見一虜脫上衣來請充。索純曰。虜去上衣。下半男字。夷狄陰類。君婦當生男。果然。

羽衣

大吉

宋仁宗母章懿李皇后夢羽衣。跌足從窻而下。遂嫁仁宗。楊大年母章氏夢羽衣。自言武夷君託化。既生。乃一鵲籠。盡室驚駭。棄之江。叔父曰。吾聞闢世之人。其生必異。追視之。則鵲蛇而嬰兒具焉。體尚有毛。經月乃落。

衣破損 凶

占 此夢不為吉。凡事有缺失。應事未成。名。出行得重。
疾。居家欠康寧。居官少安逸。內人生二心。云誰能
日正室

冬穿夏衣

占 寒不得其衣。有荒涼淒涼之象。夢之主生
日 涯無利。作事不遂。商賈失望。功名難遇。

着袈裟 吉

占 佛觀。袈裟。是佛門。占者須當早修持。
日 牛羊宿犬切。莫殺。莫作人間罪孽根。

身穿襦衫頭戴幘頭 吉

占 襦衫。儒服也。幘頭。親天顏之冠也。兆之者。士人
日 得魁首。隱士列朝班。庶民逢貴客。子孫福祿祥。

着襦衫 否凶

占 襦衫只是服沙門緣何兆見俗人臨
非惟作事無有利老壯須當保病身

着吉服

占 吉服祥驗也夢着之者
有樂事至無往不利吉

婦人着紅衣 吉

占 紅衣喜色也婦人室人也兆之玉室中布喜事至
不日可待若孕者兆之必生貴子若官士兆之主
日 有欽召
大吉

着短衣

占 短衣主不式體之象兆之
日 舉動不遂意謀爲不稱心

長衣無領 凶

占 衣無領主事無頭緒之兆夢之者求財無處獲訪
踪無處覓失物難尋他鄉未歸訟者不勝病者難

夢占

曰 賁九事四

隔之兆

着戰袍

貞吉 否凶

此武將慶戰之服也。文士夢之。名登金榜。武士夢之。所向莫敵。強梁夢之。辱身及親。市人夢之。關訟爭。

衣冠不着襪

否凶

占 上而不下。客之道也。主事先易後難。有頭無尾。孕不生男。遇無良人。

衣倒着

凶

占 主顛倒。常之象。兆之作。動反。常百無一順。家業變。疾病生。

矮人着長衣

占 長長也。兆之主長長之象。生涯盛。家業興。只恐病者幸無不脫。

楷着衣中

王戎夢有人以七枚棗與之着衣中既覺兆占夢者卜之曰楷者桑子也。目後男女大小凡七喪焉果應其夢。

裳飛起 凶

河間國兵天驤金驤相善太元十四年端午日共坐椒山。驤酒酣失性拔刀砍驤。驤母夢驤斬爲所殺。屍在澗間。脫裳覆腹。尋覓之時必難得。當令裳飛起。此處是也。追捕一如所言。驤知事露將逃出門。見驤持雙刀來殺其面。遂不得去。母報官伏罪。

鼠入衣下 吉

袁太后孕襄城博陵二王。夢鼠入衣下。

獸逼衣 吉

王宗佩妻有夢。夢周公山神。牽五色獸逼其衣。遂生承嗣。後節制揚州。入洛爲行軍司馬。

錦衣貼月飛

沈彬。字子文。舉進士。時夢着錦衣貼月飛。人謂身不入月宮之兆。必不第。果然。後爲吏部郎中。同平章事。

求衣

箕衣。真人何中立。近前兩日。太皇太后夢何來求衣。玉特賜之。至巳卒。遂易之以殯焉。

兵着緋禪

玄宗夢入井。有一兵士着緋禪。背負而出。明日使於兵號中尋訪。無此人。又于苑中搜訪。見一掌關者。緋禪。便引見上。問汝昨夜作何夢。對曰。夢從井中。背負日出。登天。上觀其形狀。與夢相似。乃問汝欲官乎。答曰。臣不解作官。巨宋貧。遂勅賜錢五百千。

以被當衣著 吉

占 被覆兆也。著主起兆也。夢之者存。病危扶解之象。占此出入無疾。朋來無咎。利有攸往。吉。若有訟者。日 夢之心有貴人來底也。

衣被人扯碎

占 扯止也。碎卒也。夢之者主病者危。醫藥莫爲。

禿着海青

占 海青外服也。兆之上作服動禿着。日 之主內財失脫。或損內人之象。

着汗衫 否凶

占 汗衫素布之服。兆之家門不利。或訟多連累。昔漢楚王交戰。汗透中單。故名汗衫。

綠簾衣 吉

占 兆主有成之象。常人夢之。家業興隆。農夫夢之。田禾存收。又主安樂景象。清寧吉慶。詩有曰。不脫簪衣。臥月明。此類是也。

自着紅袍紅襪

占 紅袍固是貴人穿。紅襪豈堪是好緣。人得此占。事事壞。丁憂孝服哭連連。

着紅裙 吉

占 紅。喜也。裙。群也。卽所謂紅裙垂看。綠衣。即兆此。主婚姻動。喜事至。

出剝着單褲 凶

占 剝。爲落。主剝落之兆。夢之者。交財防失脫。又主外禍臨身。凡當退避。易曰。剝牀以膚。切近災者也。

〇〇〇裘甲類

豹裘 大吉

占日

詩不云乎。羔裘豹飾。孔武有力。勇猛之謂也。周易有之。君子豹變。其文蔚也。文明之象。較夢此者。夾臣在青瑣。爲邦之司直。武將鎮紫臺。爲國之元勳。考試前列。經營得利。百凡事且。總之遂意。

羔裘

占日

大夫羔居之服也。夢此者。居官宜致仕。在朝宜還鄉。有從容自得。優游門閥之景象。詩云。羔羊之皮。素絲五紵。退食自公。委蛇委蛇。退食也。朝而食於家也。自公。從公門而出也。

鹿裘

吉

占日

聘享之服也。夢此有宴會之事。文士主食祿于鍾婚。如得佳人二八。所謂白茅純束。有女如玉。可徵也。哉。

吉士。聘未遇時。夢得鹿皮。從而數之。有十一領。及覺。喜曰。鹿者祿也。吾當居十一祿乎。自其仕進所蒞者九任。後除授二郡。士職不悅曰。數止于此矣。尋蒞任而卒。

貂裘吉

占 貴重之服也。夢此主名登仕籍。位列朝班。惟不利。于始初之際。如季子入秦。裘敝而歸。妻與嫂皆不。爲禮。知此者。可以占夢。

狐白裘否凶

占 狐色黃。白者不易得。其價倍常。但狐者。邪媚之象。夢此必有求于婦人。方免于難。又狐者。狐疑不決。之義。作事畏首畏尾。猶豫而無主。張其色白。終能脫然無累。

雉頭裘

占 雉爲羽族之物。其頭何以充裘。亦奇矣。此晉武所以焚之。而後世不得見也。見之于夢。必有奇技淫巧。蕩其心。離色貨利。盡其志。紛華靡麗。炫其耳目。故寤寐之間。有此看俊之兆。文士如徐怪。武人喜戰鬪。女不效。呂后之尤。

千金裘 吉

占 主貴重。文士占此得祿。
日 市人兆此。其利倍常。吉。

鵲裘

占 司馬桓如初。有以鵲裘貫酒兆之者。
日 恐耽人貪花。飽酒場中。主貧窮到老。

着兩重裘 貞吉

占 重裘掛體。兆之者。主有大任至。
日 重裘來。或有智謀之士來。吉占。

甲冑

占 戎服也。所以禦敵。冑在首。甲在身。夢之者。主有軍。
日 族之事。或科甲之兆。若有鱗介之物。形于夢者。此。
類而詳之。

司馬與鎧 吉

晉陶侃在廣州時。夢有司馬與侃鍾者。長史陳協占之曰。司馬者。國姓也。鍾者。杆禦之器。君當進位。侃果加平南將軍。

被甲者數百人

曹魯公好放生。以至蜺蛤之類。無所不放。一日。夢被甲者數百人。前訴既寤。而問其家。乃有惠蛤蚧數簍者。即遣人放之。夜復夢前被甲者來謝。

身懷甲冑

唐會昌中有王瑤者。嘗為奕邑宰。將赴任。夜夢一人。身懷甲冑。自云馮夷之宗。將之海崖。忽罹網罟。命在詰朝。故來相告。倘垂救宥。必厚報之。瑤既覺。言于左右曰。此必縣吏相迎。捕魚為餌。急遣人至縣。庖人果獻刺鮓魚鱗具。以瑤命告之。遂投于水中。即鼓氣揚臂而去。是夜瑤又夢前人泣以相謝。云。

鐵甲披身

潘傑字士英。應天上元人。鄉試三舉。夢至一所。若宮闕。有人將鉄甲一副。披于其身。且言朝廷欲用汝作八將軍。係自念其首尚戴儒巾。謂其人曰。既要我作將軍。可取笠來。其人曰。只披甲。不必笠也。迨揭曉。中第八名。乃第二卷易經。始悟不得魁莖。

○○○爲履類

赤鳥 貞吉

古者冕服之鳥也。公侯得用之。詩曰。公遜碩膚。赤鳥几几。言周公服赤鳥而氣象安重也。達尊夢此。雖遭讒謗而無咎。奸邪夢此。當被刑戮而有凶。夢之災祥。隨人之有德無德。以斷其凶吉。占者當詳審焉。

金鳥 大吉

占 赤鳥而加金飾亦公侯之服也。夢之者臺閣通宴會慶賞藩臬當人觀應朝。詩云赤芾金舄會同有也。選

朱鳥步雲中 吉

占 朱鳥騰比侯王也。步雲足不履地也。乃登雲得路之象建功立業貴顯將及身也。應選求名者夢之。大 吉。

着仙鳥

占 有仙風道骨之象兆之者生涯茂。子姓昌。功名就病安康老年夢之。主長壽。

雲履 吉

占 履有履道坦坦之義。夢此履上有雲主足下生雲履端錫福之兆。儒生漸登雲路。隱士徐步山溪。遠客忽爾歸家。久病快然脫體。婚姻倍老百年。皆得增壽二紀。

朱履

占 門迎朱履三千客。貴者之服飾也。右官夢之。步趨丹陛。居家夢之。出陟金鞍。在尋常。亦必有婚姻納聘。

日 聘慶賀兩難之喜事

履爲糞所污 吉

占 夢此者。主得財之兆。或初勞而受酬謝。或服勤而蒙賞賜。或奔走而有所獲。舉動而有所得。財本臭

日 污者故處之

履忽破 凶

占 夢此主童僕有災。妻妾有悔。子姪有不祥之兆。一隻破壞。禍在一人。若破一雙。必有奇禍。乃災患忽

日 生之象也

帶履而行

樂彥貞書要解頤帶履而行。既寤而思之曰。此必
神人告我。下將有悖逆之事乎。已而果有軍亂。尋
之。

兩人奪履 貞吉

占 履有主。禮之義。奪履。主爭。各為別等。威之兆。夢之
占 凡長上。俱宜尊敬。兄弟當和。翁事當小心。否則恐
有骨肉之殘。

鞋倒着 凶

占 倒着者。主不能行動之兆。占此。經營不利。夫婦少
日 和。病多反覆。事俱不偶。諺有曰。一步不平。行當以
推此。

鳳頭鞋 大吉

占 鳳頭。頭元也。兆之吉事至。家產亨。各登諸首。仕
必高昇。謀財有利。商賈倍獲。產生貴子。誠必得勝。

日 吉利

男着女鞋

占 男正位。外如正位。平。男如通天地之大義。事此主男如不正之象。占之事多平。隨行為不快。恐有意外之險。更謹防內變之虞。

着僧鞋

占 着僧鞋。今善念生。只恐謀爲利不成。

着蒲鞋

占 主輕捷便易之象。夢之者。身輕體健。或遇艱險。非爲之事。則當退避。

着綿鞋

占 主纏綿。祥祥之兆。夢之行動。則宜謹慎。

着棕鞋

占

夢之者。主身
事當敏速。

着小鞋

占

行止不安之兆。主事
無爽快。遇多淹塞。

着破鞋 吉

占

鞋一破。財去輩存主矣。主命卦也。兆之士人當執
主受皇恩。顯者至高位。觀天顏。庶民喜事至。家業
吉興。

屨汚泥 凶

此受辱之象也。夢此。雖素履不失其正。而殃咎亦
不能免。恐有無妄之災。若素行不偷者。必有大禍
至也。

着鐵鞋 吉

占 夢此布不畏荆棘不避險阻之象。人臣涉歷艱難而能發奸擒伏。武士擒獲叛亂而能拓土開疆。大吉之兆。

以銅爲鞋

占 夢此者主布師行之兆。士子得良友。婚姻得佳偶。商旅有客伴。出行共飲酒。避難往他鄉。兩人相携也。手也。

屨被人竊去 否凶

占 欲行得屨便能行。夢中竊去不祥。徵奴僕生心將背主。閨房婢妾有私情。

着屨走殿陛

齊世祖在襄陽時。夢着桑屨行太極殿階陛之上。庾溫曰。屨者運應木也。後果卽帝位。

着屐涉水

貞吉 否山

占 屐爲雨具。而夢着行水。此小舟遇濤之象也。危險甚矣。得登岸者吉。半濟者凶。

渡水靴不濕

衛中行爲中書舍人。時有故舊子弟。起遷投衛論。衛衛欣然許之。駭榜將出。其人忽夢乘驢渡水。墜水中。登岸而靴不沾濕。訪之秘書郎韓衆。衆被酒解曰。公今年選事不諧矣。據夢衛生相負。足下不沾及勝。出果然。

襪無底

凶

占 主鮮克有終之兆。占此生意無恒。畜物不久。更有尅妻喪子之恐。不利。

裹脚

占 脚乃行動之官。裹之則束縛之兆也。夢之者。凡事當小心謹慎。勿宜放縱。恐有失足履禍之虞。

日也

堯滕

貞吉
否凶

滕中之骨乃後天所生者堯之乃保護之兆主宜
自愛有病當清養是非場中休去爵役叢中休走
更防溺險之危

占

○○○衾枕類

錦衾 吉

朱長文母周夫人有娠夢覆錦衾說者曰是生子
必能文矣已而生長文十歲能屬文十九擢甲科
進士及既冠授
秘書省校書郎

睡紅錦被 吉

占

睡者安象也紅喜色也兆此主
喜事臨身滿門吉慶事事清吉

驚妻枕大吉

占 驚妻枕今合歡妻家庭和平子孫興
時得旺兮諸事吉老者壽兮各安寧

○○○ 褥毯類

坐座褥

占 座褥蒲團也坐之者即坐蒲團之象夢之宜焚香
誦經奉齋禮懺主智慧開功業進作事亨沙門兆
日 之或超
凡界

虎皮褥 否凶

占 易曰大人虎變其文炳也虎皮為褥不備美觀且
壓邪耳若薦此者反非吉兆褥有耻辱之義又居
于物之底貴者失其貴勇者失其
勇而爪牙之威竟成烏有

褥席見賜

柳慶遠從兄世降曰。吾昔夢太尉以馬。見賜。遂至台司。適又夢以吾。傳席與汝。汝必允我。門。慶遠果開府。

蘆花毯

貞吉 否凶

占 蘆花。散氣也。以此爲毯。散而復聚矣。兆之者。作事始難終易。無初有終。

○○○帳幃類

坐虎皮帳 大吉

占 虎皮帳坐壯威嚴。顯者還當爵位遷。日 土人名登龍虎榜。拜相封侯。應有年。

芙蓉帳 吉

占 夢坐芙蓉帳。夫榮于姓昌。紅顏小有等。日 祝禱並無妨。詩曰。芙蓉帳暖度春宵。

紅錦帳

夢中夢

卷十六

帳幃

吉

夢占

占紅錦帳坐兆巍然。顯者占之祿位遷。生意謀爲俱有利。婦人有孕。決生男。

紅羅帳內有燈光 吉

占紅羅帳內有燈光。重重生意。有財并有子也。

○○○巾帶類

紅汗巾 吉

占夢之者。主有喜事。臨身大吉之徵也。

失手巾

占兆之者。主傷脫病。痊患除之象。吉。

玉帶

晉帝夢一玉盤中。有玉碗一。玉帶一。皆有廣文。光榮可愛。寤以問群臣。李蘭慎以爲玉者。帝王之寶。

日也。帶有誓功之光。盤玉乃牛器之象。實爲吉夢。

犀角帶大吉

占 犀牛角。又喜聽無聲。北清而至聖之物也。且其牛有九角。解此角而爲帶。品貴清高之象。夢之者。爵位尊功名顯。或平日有德有才之士。定屬欽遇。垂名青史。常人兆之。生涯有利。孕婦夢之。貴子可望。諸事可謀。吉。

象牙帶吉

占 牙帶。腰懸位高德重之象也。顯者夢之。必居台位。熒理陰陽。輔佐聖明。國形烟閣。士者夢之。名登金榜。凡事俱吉。

百寶帶吉

占 貴人所賜束者。夢之。必主富種繼身。貴人扶掖。士者。必主銓明。皇恩永享。天祥商賈。必獲奇珍。異寶。

日利

金帶吉

占 夢之者。孕婦必主貴子。儒者定。確龍閃吉占也。

銀帶大吉

占 此初登雲路之象。光之者。主大富。招貴子。應長壽大利之占。

○○○囊帕類

鬚囊吉

占 鬚。丈夫無鬚。妻。色要之具。夢之事得意。財得聚。有長鬚者。夢之尤佳。

琴囊

占 此乃文人臨土用之以盛琴耳。仕者必告老歸家。隱居林下也。

被囊 貞吉

占 夢之者必主有遠行若爲商
在外者兆之。主捉裝返棹

頭扎紅帕 凶

占 兆之者主喪服動。戒爭
競。凡事小心忍耐爲吉

扎素帕

貞吉
否凶

占 此是景安康之象。昔年者兆之。主益壽延年。少年
者兆之。恐有疾病纏身。凡事當素位而行。守舊

也。吉

○○○環釵類

佩白玉環 吉

占 君子無故玉不去身。夢此者。禍患去。疾病消。訟事
解。婚姻成。喪服除。語曰。去喪無所不佩。諸事皆吉。

日之

簪黃金釵吉

占 黃金即貴客之徵也。簪與之相平契也。占之主貴人相親。富貴即至。門閭日新。兆生貴子。賢孫。凡事吉。

簪鳳頭釵吉

占 鳳乃靈鳥。頭為元首。凡夢之者。上人必登高第。出行主遇美人。婚姻定有良緣。商賈必獲奇貨。祥瑞之徵也。

簪荆釵

占 荆布荆釵。庶民之服。飾也。昔漢梁鴻曾聘孟光。王狀元曾聘錢氏。若婚姻兆之必成。主得賢婦。先貧後富之兆。

釵忽折 凶

占 兆之者主有喪妻之凶。
日 有賈賤有失脫之災。

竹釵 吉

兆此者主曠夫得好姻處如嫁貴夫更獲門庭清吉閨闈貞烈之象。

雙鳳玦 利吉

雙鳳主喜事重重之兆。夢此家業亨生涯利夫。婦齊眉兄弟聯芳椿萱永壽孕婦兆之有連生貴子之徵。

夢林玄解卷之十六

終